

Cofnodion Cyfarfod y 5ed Fedi 2017

Yn bresennol :- Y Cadeirydd **Idris Thomas** a'r Cynghorwyr, Phyllis Ellis, Elfed Wyn Williams Richard Ll. Jones, Jane Pierce, R. Hefin Williams, Gwawr Wyn Roberts a Gareth Wyn Griffiths.

Croesawyd Mr. Arfon Hughes a Dylan Owen, Hwylwyswyr Tai Gwledig i roi adroddiad ar Arolwg Anghenion Tai yn y gymuned.

Cydymdeimlwyd a'r cynghorydd R. Hefin Williams, o golli ei fam, Mrs Eirlys Williams. Llongyfarchiadau mawr i Emma Chappel o Ddeiniolen am ei llwyddiant yng nghystadleuaeth Dysgwyr y Flwyddyn yn yr Eisteddfod Genedlaethol.

Yn yr un modd rydym yn llongyfarch Lauren Oliver o Penisarwaun ar ennill gwobr Ysgrifennu Llythyr gwadd i ddysgwyr yn yr Eisteddfod Genedlaethol.

Llongyfarchiadau hefyd i Mrs. Jennie Wynne Williams, Deiniolen am dderbyn gwobr anrhydedd am ei gwaith gyda gofal yr henoed.

Gwedd: Offrymwyd gair o weddi gan Richard Ll. Jones

1.Ymddiheuriadau. Aled Green, Rhian Evans-Hill, Cynghorydd Sion Jones a'r Cynghorydd Elwyn Jones

2.Datgan buddiant. Dim

3. Cyflwyniad gan Arfon Hughes a Dylan Owen.

Diolch i bawb o'r ardal a wnaeth yr ymdrech i lenwi yr holiaduron er mwyn galluogi a hwyluso yr arolwg o anghenion tai yn yr ardal. Cafwyd adroddiad cynhwysfawr ac esboniad o'r holl adroddiad. Bu cyfle i sesiwn gwestiwn ac ateb. Y cam nesaf fydd cynnal diwrnod neu sesiwn galw i mewn agored o amgylch yr ardal. Awgrymwyd i bawb ddarllen yr adroddiad cyn trafod a penderfynnu ar ddyddiad a lleoliad yn y cyfarfod nesaf. Diolchodd y Cadeirydd i'r ddau am eu Gwaith trylwyr.

4. Cofnodion Cyfarfod 5ed Gorffennaf 2017

Derbyniwyd y Cofnodion yn gywir.

5. Materion o'r cofnodion

Golau Tan Y Gaer – Mae'r golau wedi ei osod bellach.

Arwydd Ysgol ac 20mya Rhiwlas – Derbyniwyd ymateb gan yr adran drafnidiaeth yn datgan fod digon o arwyddion ysgol ac ni ellid cefnogi'r cais am arwydd ychwanegol. Mae arwyddion cyflymdra 20 yn cael eu gosod ar hyn o bryd ar y ffordd wrth yr ysgol.

Diogelwch adeiladau yn dilyn Tân Grenfell – Derbyniwyd llythyr gan Carl Sargent ac Adran Tai Cyngor Gwynedd yn datgan eu bod yn cydweithio ac awdurdodau lleol a pherchnogion a rheolwyr adeiladau i sicrhau fod darlun llawn a chywir ynghylch diogelu unrhyw drychineb fel Grenfell eto. Nid yw Cyngor Gwynedd wedi canfod unrhyw dystiolaeth fod y deunydd ACM wedi ei osod o fewn y sir hyd yma.

Lon Cyttir, Brynrefail – Mae'r arolygwr ffyrdd wedi ymweld a'r safle a trefnu Gwaith adfer brys, mae'r lôn wedi cael asesiad hefyd am waith clytio yn yr hir dymor.

Arwyddion Dim Cŵn ar Fynwentydd – Derbyniwyd ymateb i'n llythyr oedd yn esbonio y broblem yn dilyn sawl cais dros y blynyddoedd ar hyn. Esboniwyd gan fod sawl teulu yn mynd a ci at fedd a cael cysur o hyn, a chan nad oes is ddeddf i wahardd cŵn o'n mynwentydd gyda grym cyfreithiol a phwerau gorfodaeth, na dim polisi gan cyngor

Gwynedd, ni ellir caniatu y cais.

Falcon Force – Derbyniwyd llythyr o ddiolch am y rhodd ariannol gan y tîm. Gobeithio bydd newyddion o lwyddiant ymhellach ymlaen yn y mis.

6. Gohebiaeth a materion eraill

Llythyr ynglyn a Sedd i Cysgodfan Bws Dinorwig – Derbyniwyd llythyr gan Andy a Caroline Wigley yn datgan eu bod yn awyddus i roi sedd capel sydd wedi ei atgyweirio o'r newydd yn cysgodfan bws Dinorwig. Dywedwyd efallai y buasai yn rhaid cael cais cynllunio ac efallai byddai problem fandaliaeth, a gan mai y Cyngor Sir sydd yn berchen y Gysgodfan Bws, bydd yn rhaid cael caniatad hefyd. Penderfynwyd ysgrifennu a gyrru y cais ymlaen l'r cyngor Sir a disgwyl am ymateb, gan yrru llythyr yn ôl i Caroline ac Andy Wigley yn esbonio'r sefyllfa.

Apêl Cais 2 Gysgodfan Bws ym Methel - Darllenwyd cais gan Sion Jones am ddau gysgodfan bws o'r newydd ym Methel. Dywedwyd fod cais wedi cael ei wmeud yn barod am gysgodfan yn Rhiwlas. Nid oes cysgodfan o gwbl yn Rhiwlas. Nid yw'r cyngor sir yn gosod ond rhyw 2 bob 10 mlynedd. Cyn penderfynnu, y cleric i gysylltu yn gofyn os yw Rhiwlas yn agos i dderbyn gan y cyngor Sir, a cael amcanbris am gysgodfan.

7. Cynllunio

Ceisiadau a dderbyniwyd yn ystod y mis:

Hen Lyfrgell Deiniolen, -Codi Ty deulawr, a rhodfa mynedfa newydd.

11 Bro Rhos – Estyniad deulawr i gefn yr eiddo

Tir Ger Bro Rhiwen – 5 Ty Fforddiadwy ar gyfer angen lleol, ynghyd a mynedfeydd cysylltiedig a pharcio.

Gilfach Ddu– Codi adeilad arddangos

Plas y Rhiw, Clwt y Bont – Estyniad Unllawr yn nhy blaen yr eiddo

Fferm Coch Hir, Penisarwaun – Estyniad Unllawr ac estyniad dau lawr ynghyd a newidiadau i'r ty presennol

8. Awdit

Cyflwynwyd y ffurflen flynyddol a sylwadau o'r awdit i'r cyngor.

Mae'r archwilydd wedi amodi yr archwiliad eleni oherwydd:

Gan nad oedd cyllideb wedi ei wneud ar gyfer y flwyddyn 16/17..

Awgrymiad: Rhaid sicrhau yn y dyfodol fod cyllideb ddigonol yn cael ei baratoi i benderfynnu y praesept. Yna rhaid sicrhau adolygiad o'r gyllideb yn erbyn yr incwm a'r gwariant gwirioneddol, a'i gofnodi..

Cofrestr Asedau:

Nid oes gan y cyngor gofrestr o asedau, ac felly nid ydym yn gallu cadarnhau cost prynu neu gost procsi.

Argymhellir i'r cyngor lunio cofrestr asedau cyn gynted â phosib cyn diwedd y flwyddyn ariannol bresennol.

Cofrestr Buddiannau Aelodau:

Nid yw'r cyngor gyda rhestr o fuddiannau aelodau gan fod disgwyl i gynghorwyr ddatgan unrhyw fuddiannau fesul cyfarfod.

Cymeradwywyd a derbyniwyd y ffurflen flynyddol.

Cytunwyd yn unfrydol.

10. O Gwmpas y Bwrdd

Rhiwlas – Llwybr Cyhoeddus Rhif 69 wedi gorlifo

Brynrefail – Dywedodd Hefin Williams nad yw'r cysgodfan bws byth wedi ei atgyweirio – Clerc i gysylltu eto

King Arthur Penisarwaun – Er fod Gwynedd wedi gaddo llinellau dwbwl, nid ydynt wedi eu gosod. Y clerch i gysylltu yn gofyn beth yw'r oedi.

Ysbyty Gwynedd – Pryder fod uned arenau am eu symyd i'r Dwyrain. Dywedwyd bod yn bryder o unrhyw wasanaeth neu adran driniaeth sydd yn cael ei symyd. Y clerch i lythyrru yn datgan pryder am symyd y gwasaneuthau hyn.

Cais am restr Cynghorwyr – Dywedwyd bod ansicrwydd ynglyn a pwy ydi'r cynghorwyr cymunedol, ac nid pawb sydd a chysylltiad a'r wefan. Penderfynwyd rhestru cynghorwyr pob pentref yn Eco'r Wyddfa a LLai Ogwan i Rhiwlas.

Llyfrgell Deiniolen – Ansicrwydd ynglyn a'r drefn o'r gwasanaeth newydd, Y clerch i gysylltu a Nia Griffyth yn llyfrgell Caernarfon.

Post yn garej Beran – Dywedwyd y bydd gwasanaeth Swyddfa Bost yn yn garej Beran o fewn ychydig wythnosau. Nid oes neb yn gwbod os yw hyn yn mynd i effeithio y gwasanaeth symudol i Ddeiniolen ar fore dydd Gwener.